

# کوویڈ-19 رسپانس - موسم بہار 2021 (خلاصہ)

اشاعت 22 فروری 2021

مندرجات

1. لاک ڈاؤن وچوں باہر نکلن دا روڈ میپ یعنی نقشہ راہ
2. چار مرحلے

ایہہ صفحہ پرنٹ کرو

## 1. لاک ڈاؤن وچوں باہر نکلن دا روڈ میپ یعنی نقشہ راہ

8 مارچ توں انگلینڈ وچ رہن والے لوکی ویکھن گے کہ پابندیاں چکیاں جارہیاں نیں تے حکومت دا چار-قدمی روڈ میپ زیادہ نارمل زندگی ولن پرتن دی راہ دکھائے گا۔

حفاظتی ٹیکیاں دے پروگرام دی کامیابی اک وجہ اے - ہُن تک 17 ملین توں ودھ لوکاں نوں اوہناں دے حفاظتی ٹیکے لگ چُکے نیں - پر کسے وی صورت وچ ایہہ مکمل کہانی نہیں۔ عوام نے وی کوویڈ-19 نوں دبان دا چیلنج قبول کیتا اے؛ قنون دی پیروی کر کے؛ گھر وچ رہ کے؛ لوڑ ویلے ٹیسٹ کروا کے، لوڑ ویلے آئسولیٹ کر کے، تے 'بتہ، چہرہ، تے جگہ' تے 'تازہ ہوا اندر آون دین' والی گائڈنس تے عمل کر کے۔

مجموعی طور تے ویکھیا جائے تے ایس دا مطلب ایہہ اے اگرچہ کیساں دی مطلق تعداد نسبتاً زیادہ اے، پر اسی حالیہ سخت لاک ڈاؤن نوں نرم کرنا شروع کرن دے قابل ہو جاواں گے۔ جد کہ ساہنوں ساریاں نوں ہوشیار رہنا چاہیدا اے - خاص طور تے کوویڈ-19 دی نویں قسماں دے خطریاں توں - تے این ایچ ایس نوں بچاندے رہنا چاہیدا اے، لاک ڈاؤن تاں جے لاک ڈاؤن توں باہر نکلن دا اک محفوظ رستہ شروع ہو سکے۔ ایہہ چار اقدام وچ ہونے گا؛ تے ہر قدم تے ساڈا منصوبہ ایہہ اے کہ پورے انگلینڈ وچ پابندیاں اک ای ویلے تے چُکیاں جان۔

ایس منصوبے تے عمل کردے ہونے اسی ڈیٹا کولوں راہنمائی لواں گے تاں جے انفیکشنز وچ تیزی نال وادھے دے خطرے توں بچیا جاسکے جہڑا کہ این ایچ ایس اُتے نہ سہہ سکن والا دبا پاسکدا اے۔ ایس وچ توں روڈ میپ وچ دتیاں ساریاں تاریخاں صرف ارادہ ظاہر کرن لئی نیں تے بدلایاں جا سکدیاں نیں۔ ہر مرحلے وچ گھٹ توں گھٹ پنج ہفتے ہون گے؛ پابندیاں وچ تبدیلیاں وکھان لئی سائنسی ڈیٹا نوں چار ہفتے لگن گے جس توں بعد اوہناں پابندیاں وچ نرمی کرن لئی اک ہفتے دا پیشگی نوٹس دتا جائے گا۔

صرف اوس ویلے ہی حتمی فیصلہ کیتا جائے گا جدوں حکومت نوں پکا یقین ہوئے کہ اک مرحلے توں دوجے مرحلے وچ داخل ہونا محفوظ اے۔ فیصلے دی بنیاد چار ٹیسٹس تے ہوئے گی: حفاظتی ٹیکے لگان دا پروگرام کامیابی نال جاری رہندا اے؛ شواہد ایہہ دکھاندے نیں کہ حفاظتی ٹیکے لگن والے لوکاں وچ ہسپتال وچ داخل ہون تے مرن دا خطرہ حفاظتی ٹیکیاں دی وجہ توں گھٹ اے؛ انفیکشن دی شرح وچ وادھے دی وجہ توں ہسپتال وچ داخلے وچ وادھے دا ایسا خطرہ نہیں جھڑا سہہ نہ سکیا جائے' تے رسک دا ساڈا تخمینہ بنیادی طور تے تشویس دی وکھو وکھو قسماں دی وجہ توں تبدیل نہیں ہوندا۔

حکومت عوام دی حفاظت کرنا جاری رکھے گی ایس گل نوں یقینی بناندے ہوئے کہ مقامی وباواں دا چھیتی نال تے موثر طریقے نال بندوبست کیتا جائے تے ایہہ کہ اسی یوکے دے اندر تے بارڈر تے نویاں خطرناک قسماں نال نجٹھیئے۔ روڈ میپ وچ دتے گئے اقدام دے دوران حکومت خانداناں تے کاروباراں دی معاونت کردی رہے گی - جس دی تفصیل 3 مارچ نوں بجٹ وچ چانسلر صاحب بیان کرن گے۔

## 2. چار مراحل

مرحلہ 1 وچ، ساڈی ترجیح ایہہ اے کہ سارے بچے تے طالب علم 8 مارچ توں اسکولاں تے کالجاں وچ فیس-ٹو-فیس تعلیم حاصل کرن لئی جان۔ چائلڈ کیئر تے بچیاں دی نگرانی بیٹھ سرگرمیاں وی شروع ہو سکدیاں نیں جتھے والدین نوں کم کرن یاں ایسیاں ہی سرگرمیاں وچ شامل ہون لئی ایہناں دی لوڑ اے۔

اسکولوں وچ وائرس پھیلن دے امکان نوں گھٹ کرن لئی اسی سیکنڈری اسکولوں تے کالجاں دے طالب علماں لئی ہفتے وچ دو واری کیتی جان والی باسرعت ٹیسٹنگ دا نفاذ کرن جا رہے آں - سارے اساتذہ دی باقاعدہ ٹیسٹنگ توں علاوہ۔

پریکٹیکل کورسز کرن والے انگلش یونیورسٹیاں وچ پڑھن والے اعلیٰ تعلیم دے طالب علم 8 مارچ توں واپس جا سکتے نیں۔

لوکاں نوں تفریح تے ورزش لئی اپنے گھر والیاں یا سپورٹ بیل، جے اوہ ایس دے اہل نیں، والے لوکاں نال گھروں باہر جان دی اجازت دتی جائے گی یا اوہناں دے گھرانے توں باہر والے کسے اک بندے نال۔ کیئر ہوم وچ رہن والے لوکاں نوں وی اک باقاعدہ ملاقاتی نال ملن دی اجازت دتی جائے گی۔

ثبوت موجود نیں کہ گھر تے عمارتاں دے اندر دی نسبت باہر کھلے تھاں وچ ملنا زیادہ محفوظ اے۔ ایہہ ای وجہ اے کہ 29 مارچ توں جدوں زیادہ تر اسکول ایسٹر دیاں چٹھیاں لئی بند ہونا شروع ہو جان گئے، باہر کھلی تھانواں وچ تے 6 لوکاں (6 دا ضابطہ) دے اجتماع (نجی گارڈنز سنے) یا 2 گھرانیاں نوں ملن دی اجازت ہوے گی، جس نال رشتے داراں تے دوستاں دا باہر ملنا سوکھا ہو جائے گا۔

کھلی تھان وچ سپورٹس دیاں سہولتاں جیویں ٹینس تے باسکٹ بال، تے اوپن ایئر سوئمنگ پولز نوں وی دوبارہ توں کھلن دی اجازت دتی جائے گی تے لوکاں نوں باضابطہ طور تے منظم کتیاں گئیاں باہر کھلے تھان وچ بون والی کھیڈاں وچ حصہ لین دی وی اجازت ہوئے گی۔

29 مارچ توں 'گھر وچ رہو' والا ضابطہ ختم ہو جائے گا پر بہت ساریاں پابندیاں موجود رہن گیئاں۔ جتھے ممکن ہوئے لوکاں نوں گھروں کم کرنا جاری رکھنا چاہیدا اے تے جتھے ممکن ہوئے اوہناں ولوں کیتے سفران دی تعداد نوں گھٹ توں گھٹ رکھنا چاہیدا اے، مصروف ترین اوقات تے روٹس توں گریز کردے ہوئے۔ بیرون ملک سفر کرن دی مناہی جاری رہوے گی، ماسوا منظور شدہ وجوہات دی چھوٹی جہی تعداد دے۔ بیرون ملک چٹھیاں دی اجازت نہیں ہوئے گی کیونجے درآمدہ شدہ اقسام دے خطریاں دا بندوبست کرنا تے ویکسینیشن پروگرام دی حفاظت کرنا اہم رہوے گا۔ حکومت نے عالمی سفر لئی اک نویں ٹاسک فورس بنائی اے جہڑی 12 اپریل نوں رپورٹ پیش کرے گی۔

مرحلہ 2، جہڑا کہ 12 اپریل توں پہلاں نہیں ہوئے گا جس وچ غیر ضروری ریٹیل؛ ذاتی کیئر والی تھانواں جیویں نائی، ناخناں والے سیلون؛ تے عوامی عمارتاں، سنے لائبریریاں تے کمیونٹی مراکز دے، کھولے جان گے۔ انڈور تفریح والے تھان جسراں کہ جم وی دوبارہ توں کھولے جان گے (پر صرف اکلے لوکی یاں گھرانیاں والے گروپس ہی ورت سکن گے)؛ ایسے طرح زیادہ تر آوٹ ڈور دلچسپی والی تھانواں جسراں کہ کھلی تھان وچ میزبانی کرن والے مراکز، چڑیا گھر، تھیم پارکس، تے ڈرائیو ان سینماز وی کھل جان گے۔ خود متکفی رہائش گاہواں، جیویں کیمپ سائٹس تے چٹھیاں لئی کرائے تے دین والی تھانواں، جنہاں وچ انڈور سہولتاں دوجے گھرانیاں نال سانجھیاں نہیں کیتی جاندیاں، وی دوبارہ کھل سکدیاں نیں۔

مرحلہ 2 وچ میزبانی والے مراکز نوں آوٹ ڈور لوکاں نوں سرو کرن دی اجازت ہوے گی جس وچ لوکاں نوں الکوحل نال کھانے دا وڈا آرڈر دین دی لوڑ نہیں ہوے گی تے کرفیو نہیں ہوے گا، اگرچہ لوکاں نوں آرڈر دیندے تے کھاندے پیندے ویلے بیٹھے ہونا چاہیدا اے ('ٹیبل سروس')۔ وکھو وکھ گھرانیاں وچ اختلاط نوں ڈکن لئی سماجی رابطے دے وسیع تر ضابطیاں دا اطلاق ایہناں تھانواں وچ ہوے گا۔

جنازے 30 تک سوگواراں نال جاری رہ سکدے نیں پر شادیاں، ولیمے، تے یادگاری تقریباں، جیویں ویکس یا رت جگے وچ شرکت کرن والے لوکاں دی تعداد ودھ کے 15 تک ہو جائے گی۔

مرحلہ 3 تے حصے دے طور تے جھڑا کہ 17 مئی توں پہلاں نہیں ہوے گا، حکومت جتھے ممکن ہویاں رشتے داراں تے دوستان نوں ملن لئی حدود نوں نرم کرن دی کوشش کرے گی، لوکاں نوں اجازت دتی جائے گی کہ اوہ اپنے حالات تے مطابق خطرے دی مناسب سطح بارے خود فیصلے کرن۔

ایس دا مطلب ایہہ اے کہ آوٹ ڈور لوکاں نوں ملن تے اکثر پابندیاں چُک لیاں جان گیئاں - اگرچہ 30 توں ودھ لوکاں دا اجتماع غیر قانونی رہوے گا۔ انڈورز 6 افراد یا 2 گھراں دا ضابطہ لاگو ہوے گا - اسی ایس نوں زیر نظرثانی رکھاں گے کہ آیا ایس وچ وادھا کرنا محفوظ اے۔

جنا چھیتی ممکن بوے پر مرحلہ 3 توں بعد نہیں، اسی دوستاں دے رشتے داراں وچکار سماجی دوری بارے مشورہ وی اپ ڈیٹ کراں گے، جپھی پان سنے۔ پر اوس ویلے تک لوکاں نوں اک دوجے توں اپنا فاصلہ برقرار رکھنا جاری رکھنا چاہیدا جہڑے اوبناں دے گھرانے یا سپورٹ بیل وچ نہیں۔

سب توں ودھ خطرے دے سکیٹر وچ مجود کاروباراں توں سوا باقی سب کاروبار دوبارہ توں کُھل جان دے قابل ہون گے۔ سارے سیکٹرز وچ کوویڈ-سیکیور گائڈنس دا نفاذ جاری رہے گا تے قنونی حد توں ودھ لوکاں دی کاروبار سیوا نہیں کر پان گے۔ انڈورز میزبانی کُھل جائے گی - تے مرحلہ 2 دی طرح، دوکاناں وچ الکوحل والے مشروبات نال وڈے کھانے دی لوڑ نہیں ہوے گی؛ نہ ہی کرفیو ہوے گا۔ پر گاہکاں نوں آرڈر دیندے تے کھاندے پیندے ہوے بیٹھنا پوئے گا۔

مرحلہ 3 وچ کھولی جان والی دوجی تھانواں وچ انڈور تفریح والے مقام شامل نیں جیویں سینماز، بچیاں دے کھیڈن والے تھان، باقی دا رہائشی سیکٹر، بوٹلاں، ہوسٹلاں تے بی این بی سنے؛ تے انڈور بالغاں دیاں اجتماعی کھیڈاں تے ورزش دیاں کلاساں۔ حکومت انڈور تھانواں وچ کچھ وڈی پرفارمنسز تے کھیڈاں دے مقابلے وی شامل کر سکی اے جنہاں وچ 1000 لوکاں دی گنجائش ہوے یا ادھی جگہ پُر ہوے (جہڑی تعداد وی گھٹ اے)، تے آوٹ دور تھانواں جنہاں دی گنجائش 4000 یا ادھی پُر ہوے (جہڑی تعداد وی گھٹ اے)۔ کُھلی تھان وچ بیٹھن والے مقامات وچ جتھے بجوم نوں پھیلایا جا سکے، 10000 تک لوک آ سکدے نیں (یا اک چوتھائی پُر ہوے، جو وی گھٹ ہوے)۔

30 تک لوکی شادیاں، ولیمیاں ویکس تے جنازیاں وچ شرکت کر سکن گے۔ جیون مرن دیاں دوجیاں اہم تقریباں اُتے وی ایس حد دا اطلاق ہوے گا جیویں بار مٹسواہز تے کرسننگ۔

آخر وچ، مرحلہ 4 شروع ہون توں پہلاں، حکومت سماجی دوری تے ٹرانسمیشن نوں گھٹ کرن والے دوجے طویل مدتی اقدام دا جائزہ لے گی۔ ایہہ اوہناں اوقات تے حالات بارے فیصلہ کرن وچ مدد دین گے جنہاں وچ 1 میٹر توں ودھ فاصلے دے ضابطے، فیس ماسک پان تے دوجے اقدام چُکے جاسکدے نیں۔ ایہہ گھروں کم کرن والی گائڈنس بارے وچ فیصلہ کرن وچ مدد دے - جھڑی کہ ایہہ ریویو مکم ہون تک جاری رہنا چاہیدا اے۔

مرحلہ 4 توں جھڑا کہ 21 جون توں پہلاں نہیں ہوے گا، حکومت نوں امید اے ایہہ سماجی دوری تے ہر قسم دی قنونی قدغن نوں مکا دے گا۔

اسی امید کردے آں کہ باقی دے تہاں، سنے نائٹ کلبز دے، گھلن جان گے تے وڈیاں تقریباں تے پابندیاں نرم ہو جان گیئاں جھڑیاں کہ مرحلہ 3 وچ لاگو سن۔ ایس دا انحصار سائنسی ایونٹس ریسرچ پروگرام دے نتائج تے ہوے گا جھڑا کہ کجھ تجرباتی تقریباں دے نتائج نوں موسم بہار تے موسم گرما دے دوران ٹیسٹ کرے گا، جس وچ اسی انفیکشن دے خطرے نوں گھٹ کرن لئی ٹیسٹنگ تے دوجی تیکنیکاں ورتاں گے۔ ایونٹس ریسرچ پروگرام ہی ایہہ فیصلہ کرن وچ مدد کرگے گا کہ آیا شادیاں تے جیون مرن دیاں دوجی تقریباں تے ہر قسم دی حدود نوں ختم کیتا جائے یا نہیں۔



روڈمیپ وچ ہر مرحلے وچوں لنگدے ہوئے ساہنوں سب نوں یاد رکھنا چاہیدا اے کہ کوویڈ-19 ساڈیاں زندگیوں دا حصہ اے۔ اپنے آپ تے دوجیاں نوں محفوظ رکھن لئی ساہنوں اپنی زندگیوں وکھرے ڈھنگ نال بتیت کرنیاں پین گئیاں۔ ساہنوں 'بتھاں۔ چہرے، جگہ' نوں جاری رکھنا ہوئے گا۔ لاگوں رہن والے کوویڈ-سیکیور اقدام تے عمل کریں۔ جتھے کر سکیے لوکاں نوں باہر ملیے تازہ ہوا اندر آون دیئے۔ لوڑ ویلے ٹیسٹ کروائیے۔ جدوں پیشکش کیتی جائے حفاظتی ٹیکے لوائیے۔ جے اسی سارے اپنا کردار ادا کرن جاری رکھیئے تے اسی اوس مستقبل دے ہور نیڑے ہو جانواں گے جہدے نال اسی سارے زیادہ وقف آں۔